

Fundacion Herencia Historico di Aruba cu documentario:

AWA, Caminda tin bida tin awa

ORANJESTAD - Fundacion Herencia Historico di Aruba ta bay presenta su di 4 documental titula Awa: caminda tin bida tin awa. Smaller World Bigger Eyes a percura pa e produccion. Presentacion di e documental aki ta 9 April venidero den Cas di Cultura pa 8 or di anochi. Nos no ta para keto pa puntra nos mes unda nos antepasadonan a haya awa pa bebe pa cushina y nan uzo domestico. Den e documental aki a purba di mostra esaki.

Y si a keda lastronan di e tempo cu a pasa. Ainda nos por weita algo cu a keda como herencia historico awendia, tin pos, rembak y tankinan di hero bon conserva cu nos por considera como patrimonio di Aruba. Preocupacion di mas grandi di nos antepasadonan tabata con pa yega na awa saludabel. Awendia ta normal cu ta habri cranchi y awa ta sali for di e pipa. Prome necesidad di e ser humano ta awa.

Antes hende y bestia a muri pa falta di awasero cu a tarda y no a yobe na tempo. Prome habitantenan di Aruba y tur esnan cu a bin despues tabata depende di awasero y fuentenan natural pa haya awa. Entre otro unda awa ta scuri of pos caba canto di rooinan



cu hopi bes tabata leu di nan cas. Despues na tanki, dam y mas despues rembak pa colecta awa. Temporada di segura tabata un preocupacion grandi pa Arubianonan, hopi cunukero, criadero di bestia y piscado mester a sali for di Aruba pa bay traha of biba den exterior. Cu yudansa financiero di Unoca, Prins Bernhard Cultuurfonds Caraibisch Gebied, Cede Aruba y WEB NV. Fundacion Herencia Historico a logra realisa e proyecto aki. Biblioteca Nacional Aruba y Archivo Nacional Aruba tambe a duna respaldo pa logro di e Documental; Awa, caminda tin bida tin awa. Ryan Oduber tabatin e produccion di e

documental na su encargo y a ofrece un trabou sublime. Entrada ta gratis y a parti carchi pa diferente organisacion social. Personanan cu ta interesa por yama na 587.4759, 585.6019 of 592.0608. Den fin di April ta presenta e documental na San Nicolaas, den John Wesley Auditorium. Centronan di bario di Aruba lo tin fechanan disponibel cu lo presenta e Documental; Caminda tin bida tin awa. Tur fechanan lo sali den medianan di comunicacion. Ryan Oduber a haci tur su posibel pa awe Fundacion Herencia Historico di Aruba tin su Website. <http://www.herenciahistoricodiaruba.com/>.

